

Aymara - Kellkatanaca - Lust Scriptures

Éxodo 15:9 Uñisiristi sänwa: ‘Nayasti jicjatañcamaw arctäjja, ucatsti cunanactejj aparcä ucanacjja cusisitaw laquinokaraquëjja; uqhamarac espada catusinsti amparajjampiw tucjaraquëjja’ sasa.

Éxodo 18:21 Ucampis jumajj jakenac taypitija ajllim suma amuyt'an chachanaca, jupanacasti Diosaru aiffsartirinacäñapawa, uqhamarac khana luririnaca, janiwa jupataquiqui cunsa thakheriñapäquit. Ucampis mayninacarojj jilírita ucham waranka jakenacjjaru, mayninacarusti patac jakenacjjaru, uqhamarac yakhepanacarojj pheska tunca jakenacjjaruraqui mayninacarusti tunca jakenacjjaruraqui.

Éxodo 20:14 Janiw yakhanacampi wachok lurätati.

Éxodo 20:17 “Janiw munapayätati jake masimana utapsa, ni warmipsa, ni sirvirinacapsa, ni vacapsa, ni asnopsa, ni cunanacapatejj utjqui ucanacsa.”

Números 11:4 Israelitanacampi chicajj cunayman casta jakenacaw saratayna, ucanacasti mank'añacwa munasipcäna; ucatsti israelitanacajj jupanacamp chicaw jachapjjaraquïna aqham sasa: “Aychaquis utjaspa mank'añataqui.

Deuteronomio 5:21 ‘Janiw jake masiman warmip munapayätati; janiraquiw munätati utapsa, ni orakenacapsa, ni sirviripsa, ni uywatapsa, uywanacapsa, ni asnopsa, ni cunatejj jupancqui ucanacsa.’

Deuteronomio 12:20 Cunapachatejj jumanacan Tatitu Diosamajj orakenacam jach'aptaycani jupan arsutaparjama, ucatsti jumanacaru aycha mank'añatejj munasipjjätam ucqhajj, jumanacajj mank'asipcaquismawa cuna horasasa.

Deuteronomio 22:22 Mä jaketejj mä casada warmimpi iquintata catjatänejja, ucanacasti panpachaw juchañchasín jiwayatäpjani, uqhamatwa jumanacajj tucjapjjäta Israel marcan jan walinacija.

Josué 7:21 Jericó marcar mantasinja, nayajj Babiloniat apanit mä suma manto aptasta, ucatsti mä kilo kollkempi, uqhamarac mä kori barrampi cawquüriti chica kilonïna uca. Ucanacsti sintpunwa munayäta ucat ucanac aptasinta. Jichhasti ucanacjja orakeruw carpajj mankhan allintta, kollkja mankharu —sasa.

Salmos 10:3 Ñankha lurir jakejj, munapayañ cancañapat jach'achasi, munapayir jakejj, Tatituruw ñankhachi, jisc'acharaqui.

Salmos 78:18 chuymanacapan Diosar yant'apjjäna, munañaparjam mank'a mayisa;

Salmos 78:30 Ucampis, mank'at awtjayasiñap janír apaktayascasa, lacapas mank'amp phokhantatäscän ucapachaw

Salmos 81:12 Ucat munañaparjam sarnakayta, munataparjamaw sarnakapjjaraquïna.

Salmos 106:14 Qhä ch'usa wasaran Diosarojj yant'apjjäna, munatanacaparjam phokhayasiñataquiw wayt'apjjäna.

Salmos 119:36 Arsutanacamaruy chuymajj alcatayita, janiquiy inampst'añar

puriyistati.

Proverbios 1:19 Uqhamawa lunthatanacan tucuyäwipajja: jan wali luririnacarojja, pachpa jan wali luratapawa jupar jiwayani.

Proverbios 6:25 Chuymamanija jan munapayamti jiwaquïtap laycojja, jjanirac uñtatapampis catuntayasimti!

Proverbios 15:27 Walja yänacaru munapayirejj pachpa utapwa tucji, ucampis qhititejj jan kollke chilltayasqui ucaw jacani.

Proverbios 21:25,26 Jayra jakejj take cunsa walwa muni, ucampis janiw jicjjatquiti jan irnakatap laycu; 26 uru jornälpcachawa take cuns munapayasqui, ucampis asqui jakejja, jan mich'asisawa churi.

Proverbios 28:16 Jan amuyt'an marca apnakerejj juc'ampiw jakenacar t'akhesiyi, ucampis qhititejj jan munapayiri qui ucajja, jaya maranacaw jacani.

Isaías 56:11 mank'at jiwat anunacäpjewa, janiraquiw sisthapipluisa, jan cun amuyiri awatirinacäpjaraquiwa; sapa maynis thaquipanac sarasipqui, cunatejj jupanacataquejj asquïqui ucacwa thakhasipqui.

Isaías 57:17 Israelan juchap laycuraquiw mä pacha coleratayätja, juparoff mutuyaraquïyätwa, apanucuraquïyätwa; ucampis jupajj nayataquiw sayt'asïna, jupan amtataparjamaquiaquiw sarnakasïnja.

Jeremías 6:13 Takenisa, jisc'as jach'asa, lunthatasiñampi jicjjatañatacwa lup'isipquejja; profetanacasa, sacerdotenacasa, takeniw lunthatasiñaru catuyasipjje.

Jeremías 22:17 "Ucampis juma sapaquiw llaquistajja take cunsa jan wali lurañanacampi jicjjatatanacamata; jan juchanirojj jiwayaractawa, marcamarusti, t'akhesiyaractawa wali ch'ama lurañanacampi."

Jeremías 51:13 Jumasti Babilonia, jach'a jawiranac thiyanctawa, kamir cancañamas waliraquiwa, ¡Tucusiñamajj purinjjesä, sarnakäwimas tucuyjaraquiwa!

Ezequiel 6:9 Uca jilt'irinacasti, uca jaya marcanacanja nayatwa amtasipjaraquini; cunjämtejj nayajj jupanacaru t'akhesiyäyätja, jan nayaru take chuymampi arcipjjatapata, uqhamaraqui nayatsa jayarst'awayapjjatapata yakha diosanacar yupaychañ laycojja, take ucanacwa amtasipjjani. Jupanacasti take ñankha luräwinacapa amthapisisajja, jupanacpachaw ajjtasipjjani, take uca ajjtascaña luräwinacapatsa.

Ezequiel 14:4,5 Jichhajj jupanacampi parlam ucatsti saraquim: 'Aqham siw Tatitojja: Take israelitanacatejj yakha diosanacar yupaychañaru uscusipjjani, jucharu puriyqui ucanaca uñcatataquïsipcaraquini, ucat profetan ucaru jisc'tasiri jutapjaraquini, ucanacarusti nayajj kawkha c'ari diosanacapatejj utjqui ucarjamaraquiw arusjjatäjja.' 5 "Cawquïri israelitanacatejj nayat jithekttjapje yakha diosanacaru yupaychañataqui, ucanacarusti nayaw chuymapa llamct'araquëjja.

Ezequiel 22:12 Yakhepa jakenacamasti kollke catokasipjaraqui jake masiparu jiwayañataqui. Kollksa waljaptayañanacaru uqhamaraqui walja interesanwa mayt'apjaraqui, jake masinacparusti t'akhesiyasaraquiwa, irnakayapjje,

nayatsti armasipjaraquiwa. Naya Tatituw ucija arsta.

Ezequiel 33:31 Uqhamaw marcajjajj jutasin juman nayrakataman kont'asipje cunjämtejj lurapjjericäna, arunacama ist'añataqui. Ucampisa janiw uca arunacarjama sarnakapquit. Munasiña k'ochunacäcaspsa uqhamacwa k'ochupje, ucampisa jupanacan chuymanacapajj kollken khepapa sarañanquiwa.

Oseas 4:12 Marcajjajj c'ullut qhitsut diosanacaparuw jisct'asi, varanac tokeraquiw yatiñanacsu thakapjaraqui. Wachoka juchampi apnakatajja, marcajjajj pantjat thaquinacanwa sarnakasqui; Diosap apanucusaw yakhanacampi juchanacan sarnake.

Oseas 5:4 Jakenacan jan wali luratanacapaw Diosaparojj jan cuttayanquiti. Wachoka juchampi atipjatäsinsu, Tatiturojj jan uñt'cjeti.

Miqueas 2:2 Orakenacjja walpun munt'apje, ucatsti uca orakenacjja catuntasipjaraquiwa; utanacsu walpun munt'apje, uca utanacsti lunthatapjaraquiwa. Jakenacarusti t'akhesiyapjaraquiwa, familianacapsa, uqhamaraqui orakenacapsa catuntasisa.

Nahúm 3:4 Take ucanacasti jan wali sarnaker warmin juchanacap laycuwa, uca walja chachanacampi sarnaker suma uñnakt'an warmi, laykasiñanac yatichañataquis walipuniwa, jan wali sarnakañapampi laykasiñanacapampisti jisc'a marcanacaru, jach'a marcanacaruw aynacht'ayänja.

Habacuc 2:9 ¡Ay, cunänis jumatjja, lunthatat yänacampi utamar phokhantayamatjja. Ucat jan walt'añanacan jan cunas camachañapataqui!

Mateo 5:28 Ucampis nayajj sapjismawa, qhititejj mä warmirojj munapayañataqui uñtejja, niyaw chuymapanija jupampi wachoka juchija lurjje.

Marcos 4:19 jupanacajj acapach yänacaruw sinti munapje. Kamiriptañ munañaw mayjt'ayi, ucatsti cunayman munañaruw puripje. Take ucanacaw chuymanacapar mantasinjja, Diosan arunacapjja chhaktayi aca jakenacan jan achuñapataqui.

Marcos 7:22 lunthatasiña, jaken yänacap munaña, luraña, sallkjasina, k'añu luraña, envidiasiña, c'ari arunac apnakaña, jach'a jach'a tucuña, jan amuyunjam sarnakaña.

Lucas 3:14 Uqhamaraquiw yakhep soldadonacajj jisct'apjjäna: —Nanacasti, ¿cuns lurapjaraquëjja? —sasa. Jupasti saraquïnwa: —Jan qhitirus cunsa aparapjamti, nuwampisa, ni c'arintasasa cuntejj jan lurqui ucatjja. Jumanacasti pagonacamampejj cusisitaquïpjäm.

Lucas 12:15 Uqhamaraquiw sána: —Amuyasipjjam jumanacataquic take cuns munañjata; jaken jacañapasti janiw cunatejj utjarapqui uca walja yänacapancquit. —sasa.

Lucas 16:14 Kollker wali chuyma churat fariseonacasti take acanacija ist'asipcaraquïnwa, ucat jupanacajj Jesusatjja larusipjjäna.

Juan 8:44 Jumanacan awquimajj Supayawa, jumanacajj Supayancapjjtawa. Cuntejj jupajj munqui ucwa lurapjjaractajja. Supayajj kalltatpacha jake jiwayiriwa. Janiw cunapachas jupajj chek parlquiti, jupajj c'aritap laycu.

Cunapachatejj c'arinac parlqui ucqhajja jupatacwa parlasqui, c'aritap laycu, uqhamarac c'arin awquipätap laycuraqui.

Hechos 20:33 Janiw nayajj munapaycäyätti qhitin kollkepsa ni qhitin isipsa.

Romanos 1:24-29 Ucatpí Diosajj jupanacarojj uca cunayman p'enkascaña jan wali amtatanacapar apanucujja, ucatsti jupanacajj sinti jan walinac jupanac purajj lurapje. 25 Diosan cheka cancañapar jan iyawsasina, cunatejj c'aríqui ucar jaysapjjatap laycu. Ucatsti cuntejj Diosajj lurcatayna ucanacaruquiw yupaychapje Diosar yupaychañat sipansa. Chekpachansa Diosaquiw wiñayataqui yupaychatäñapajja. Uqhamäpan. 26 Ucatwa Diosajj jupanacarojj sinti p'enkascañ juchanacaru apanucu, warminacapasa cunatejj jupanacataquejj waquisqui ucanacsma maysaruw mayjt'ayapjje warminacpura sarnakasa. 27 Chachanacasa uca quipcaraquiwa, cunatejj warmimpi jakjama sarnakañäqui ucanac jaytjasinjja jan waliquis ucanacwa lurapje. Jupanacan jan wali lup'iwinacapasti ninjamaw ake, p'enkascaña k'añunacwa lurapjaraqui chachanacpura, uqhamatwa jupanacajj mutuñija catokapjaraqui uca jan wali sarnakäwinacaparjama. 28 Niyaquitejj Diosarojj jan uñt'añ munapcchejja, Diosajj jupanacarojj uca jan wali luräwinacapar chhakañapataquiw jaytanucu, ucat jan waliqui uc lurapjaañapataqui. 29 Cunayman jan chekap lurañanacampi phokhantatäpjaraquiwa [k'añu lurañanacampi,] ñankha amtañampi, mich'asiñampi, jan wali amtañampi, envidiasiñampi, jak jiwayañampi, uñisisiñampi, sallkjasiñampi, maynit mayni contra parlañanacampi phokhantatäpjewa.

Romanos 6:12 Uca laycupí jumanacajja jucharojj atipjapjaañamajja janiraquiw juchampis apnakayasipjjañamäquit uca jiwir janchi cuerponija. Cuntejj uca janchi cuerpomajj munqui ucajj atipjañaw waquisi.

Romanos 7:7 Jichhasti ¿cun sañänisa? ¿Leyejj juchati? Janiw cunäquipansa. Ucampis janiw nayajj yatquiriscäyätti cunatejj juchäqui ucija janitejj uca leyejj utjcasapän ucajja. Amuyt'añäni, janiw nayajj yatquiriscäyätsa cunatejj jakenquir munañäqui ucija janitejj leyejj uc khanañchcasapäna: "Jan jakenquir munamti" sasa, ucajja.

Romanos 13:9 Camachi arunacajj siwa: "Jan wachoka juchjja luramti, jan jiwayamti, jan lunthatamti, [jan jake masimaru c'arintamti,] jan jakenquiri munapayamti" sasa. Take aca camachinacajja yakhanacamp cunajja, aca arunacwa phokhasi: "Jake masimarojj juma quipcarjam munasim" sasa.

Romanos 13:14 Jan ucasti Jesucristomp isthapt'asipjjam, janiraqui lup'ipjjamti janchin munañapa lurañija.

1 Corintios 5:10,11 Ucampejj janiw sapcäyäsmati: "Aca oraken wachoka juch luririnacampi, mich'anacampi, lunthatanacampi, yakha diosanacar yupaychirinacampejj janipuni parlapjjamti" sasajja. Uqhamäspa ucqhajj janiw aca oraken jacañasäcaspati. 11 Jan ucasti sapjjäyäsmawa: "Jan chicachasipjjamti qhititejj iyawsiricasina wachoka juchan sarnakasqui, mich'asisqui, yakha diosanacar yupaychasqui, arunac apnakasqui, machasqui, lunthatasisqui ucanacampejja. Janiraquiw ucanacampejj

mank'apjjañamäquisa."

- 1 Corintios 6:9/10 ¿Janit yatipcta jucharar jakenacan jan alajjpachar mantañapjja? Jan sallkjayasipjjamti, wachoka juchan sarnaker jakejj janiw Diosan marcapar mantcaniti, ni yakha diosanacar yupaychirisa, wachoka juchan sarnakerisa, chacha pura jan wali sarnakerinacasa, lunthatanacasa, mich'anacasa, machirinacasa, masipjjat parlasirinacasa, sallkjañampi aparirinacasa mantapcaniti.
- 1 Corintios 10:6 Take acanacasti jiwasan amuyt'asiñasataquiw lurasinjja, jan jiwasanacajj jupanacjam jan walinac munapayañasataqui.
- 1 Corintios 12:31 Uqhamasti jumanacajj Diosatija suma churäwinac catokañatac ch'amañchasipjjam. Nayajj juc'amp suma thaqui uñacht'ayapjjäma.
- 1 Corintios 14:39 Uqhamapi jilatanaca, jumanacajj Diosan arunacapa parlañarupun uscusipjjam. Maynitejj jan uñt'at arunaca parlañ munchejja, janiraqui jarc'apjjamti.
- 2 Corintios 9:5 Ucatwa nayatakejj waljamäna uca jilatanacajj jumanacan ucaru nayrakata jutañapa, ucatarac jupanacarojj achict'tija uqham jutapjjañapataqui, ucatsti jumanacar yanapt'añapataqui uca ofrenda "Churapjjäw" sapcäyätas uca phokhapjjañamataqui. Uqhamataracwa jumanacan ofrendanacamajj waquicht'atäjjani chekpachansa mä munasiña uñacht'awiñapataqui, janiraqui nanacas jumanacar: "Churapjjapunim" sasa, wayt'apquisman uqhamija.

Gálatas 5:16-20 Acwa sapjisma, Ajayun munañaparjam sarnakapjjam, uqhamatija janiw janchin munañaparjam sarnakcjapjjätati. 17 Janchin munañanacapasti Diosan Ajayup contrawa, Ajayusti janchin munañanacap contraraquiwa. Maynis mayni contrawa, ucatpi jumanacajj cuntejj munapcta ucija jan lurapcasmatejja. 18 Ucampis Ajayutejj jumanacar irpapjjstam ucqhajja, janiw leyin amparapancjjapjjätati. 19 Qhitinacatejj jan wali luräwinacan khepap arcapjje ucanacan luräwinacapajj khanaw uñsti. Ucanacasti acanacawa: wachoka jucha lurañanaca, k'añu lurañanaca, vicionaca, 20 yakha diosanacaru yupaychañanaca, laykasiñanaca, uñisisiñanaca, quejanacan sarnakañanaca, celasiñanaca, colerasiñanaca, jupa pachpatac munañanaca, t'akaktasin yakha tamanaca tucuñanaca,

Gálatas 5:24 Qhitinacatejj Cristoncjapjje ucanacajja, janchin munañanacapjja ch'accatjjapjjewa ñankha amtañanacampi, uqhamarac munañanacapamp chica.

Efesios 2:1-3 Diosajj Cristomp chicaw jumanacar jacañ churapjjtam, jan wali luräwinacamana uqhamarac juchanacaman jiwatäsipcäyätas ucqua. 2 Acapachan sarnakäwinacapjamaw jacasicpcäyäta, cawquiri ajayutejj ñankha ajayunacar apnakqui, uqhamarac ch'amañchqui Diosar jan ist'irinacarusa, uca ajayun munañap lurasina. 3 Take jiwasanacaw uqham nayrapachajj jacayätan, munañanacasarjama sarnakasa, janchin munañanacapjamäna phokhasina, amtäwinacasarjama sarnakasina. Ucatpi Diosan ajjsarcañ mutuyäwip mayninacjama catokañasajj waquisinjja.

Efesios 4:19 Jan p'enkanëjjapjjewa, ucatsti cunayman k'añu luräwinacaruw

catuyasipjje, ucanacsti jan ajjsarasaw lurapjjaraqui.

Efesios 4:22-27 Nayra jacäwinacamarjam sarnakañja apanucupjjam, uca sarnakäwisti cunayman jucha lurañanacampi sallkjatänwa. 23 Jumanacajj machakar trocatäjjapjjañamawa ajayunacamansa uqhamarac amuyt'añanacamansa, 24 ucatsti Diosan munañaparjama luratäqui uca machak jacäwimpi isthapisipjjam, suma k'oma cheka cancañan jacapjjaraquim. 25 Uqhamasti jichhajj c'arinacija jan parlcjjapjjamti; sapa maynis jake masinacamarojj cunatejj chekäqui ucac parlapjjam, takenis mä sapa cuerpon luriripaquitanwa. 26 Colerasisinija jan juch lurapjjamti, uca colerasiñanacamajj jan jornalpachäpati. 27 Janirac Supayarus jac'achayasipjjamti.

Efesios 5:3,5 Jumanacajj Diosanquiripjjstajjaya, janiw utjañapäcijjeti wachoka jucha lurañanacajj, cuna casta jan wali luräwinacasa ni mich'asiñanacasa. 5 Uqhamajj yatjjapjjitawa, cawquïritejj yakhamp wachoka juchan sarnakchejja, jan wali luräwinac luririsa, jan ucajj mich'asa (ucajj c'ari diosanacarus yupaychcaspa uca pachpawa) janiw Cristompin Diosampin reinoparus mantcaspati.

Colosenses 3:5 Aca oraken jucha lurañanacajj jumanacan utjqui ucanacasti jan utjcjjpanti: jan qhitis yakhampi wachoka juchan sarnakpati, janirac k'aňu luräwinacsu lurpati, janirac jaňchipan munañanacapsa, ni jan wali amtatanacapsa lurpati, janirac mich'äpasa (ucasti c'ari diosanacarus yupaychcsna uqhamaraquiquiwa).

- 1 Tesalonicenses 2:5 Jumanacajj asquiw yatipjja, janiw cunapachas arunacampi jumanacar sumachapcsmati, janiraquiw cuna c'ari arunacs parlapcti kollke laycuquejja. Acatija Diosaw sum yatisqui.
- 1 Tesalonicenses 4:3-7 Diosajj jumanacatja jupar catuyat jacapjjañamwa muni; jan qhitis wachoka jucha lurañan sarnakpanti, 4 sapa maynis mä sapa warminiquïpan k'oma cancañana, uqhamarac munasiñansa. 5 Jan sarnakapjjamti jan wali amtaň chuymampejja, cunjämtejj jan Diosanquirinacajj lurapqui uqhamija. 6 Aca luräwinija jan qhitis jilapar sallkjpati, Tatitojj walwa mutuyi aca luräwinacatja, cunjämtejj ewjjt'apjjsma uqhama. 7 Diosajj jupar catuyasita k'oman jacañasataquiw jawsistu, janiw juchan jacañasataquiti.
- 1 Timoteo 3:3,8 Janiraquiw machiriñapäquisa, qhitimpis ch'ajjwiriñapäquiti, janiraquiw lunthatatampi jicjjatat kollks munañapäquiti. Antisas qhuyapayasirïñapawa, takenimpis suman jacañapa, janiraquiw kollke chuymäñapäquiti. 8 Uca pachparaquiw diacononacajj suman uñjat chachanacäpjjapa; arsutaparojj phokhañaparaquiva, janiraquiw machjasiñapäquiti, janiraquiw lunthatatampi jicjjatat kollksa munañapäcaraquiti.
- 1 Timoteo 6:9,10 Qhitinacatejj kamir cancaña thakapjje ucanacajja, janiw yant'anacarojj atipjapquiti, ucatsti take casta lokhe amtäwinacan sipitaparuw jalantapjje, ucatsti jan waliruw puripjje, jakenacarusti jiwañaru t'unjañaruw puriyaraqui. 10 Kollkeru munañajja take jan wali luräwinacan saphipawa; ucatwa mayninacajj juc'ampi munapjjatap laycu iyawsäñatjja maysaru saranucupjje, pachpa jacäwinacaparuw t'akhesiñampi yapjjatasipjje.

- 2 Timoteo 2:22 Waynanacan jan wali luräwinacapatja jithektam, k'oma jacañan sarnakam, uqhamarac iyawsañana, munasiñana, sumancañana, qhitinacatejj Tatitur k'oma chuymampi mayipqui ucanacamp chica.
- 2 Timoteo 3:2,6 Jakenacajj mich'aw tucupjjani, kollke chuymaraqui, jach'a jach'aw tucupjjani, jilamp parlirinacaraqui. Diosat jan wali parlapjjani, awquinacaparus janiw ist'cjapjjaniti, jan yäkasirinacäpjjanawa, Diosar arcañarus janiraquiw jayscjapjjaniti. 6 Acanacasti utanacaru mantasinija uca jucharar warminacaru sallkjerinacawa. Aca warminacajj take casta janchin munañapampi wayutäpjewa,
- 2 Timoteo 4:3 Niya purininiwa cunapachatejj jakenacajj jan asqui yatichäwinac catokañ munapcani uca urunacajja; ucampis jupanacan munañanacaparjamaQUIW walja yatichirinac thakapjjani, cunjämtejj jupanacajj yatichayasiñ munapje uc ist'añataquiqui.

Tito 2:12 Uca qhuyapayasiñaparaQUIW yaticharaquistu juchampi, acapachar munañampi apanucijañasa. Ucatsti aca orakenja mä suma amuyumpi, chekapana Dios chuymaraqui sarnakañasa.

Tito 3:3 Jiwasajj nayrajj uqham jan amuyt'anipjjaraquïyätanwa, Diosar jan jaysiri, chhaktata, uqhamarac cunayman jan wali munañanacan esclavopäyätanwa. Nankha lurañanacana, envidiasiñanacana jacascaraquïyätan uñisita, uqhamaraqui jiwascam uñisisisa.

Hebreos 13:5 Janirac kollkerus munapjjamti; cunatejj utjapjjitam ucamppejj cusisitaquïpjjam, Diosajj siwa: "Janiw cunapachas jaytcämati ni armt'ascämasa" sasa.

Santiago 1:14,15 Ucampis cunapachatejj maynejj uca jan wali amtatanacapampi atipjayasisquejja, ucqhaw tentacionarojj purejja. 15 Uca jan wali amtäwinacatwa juchajj sarti, ucatsti cunapachatejj uca juchajj jach'äje ucqhajja, jiwañaQUIW purinjjaraqui.

Santiago 4:1-5 ¿Cawquitsa juti jumanac taypin jan walt'añanacajja, uqhamarac guerranacasa? Jan wali amtatanacamajj chuymanacaman nuwasisqui, ucatwa juti. 2 Jumanacajj cunsa jicjjatañpun munapjjitajja, jan jicjjatirjamäsinsti jiwayapjjitawa. Cunatsa envidiasipjjapuntawa, jan jicjjatirjamäsinsti ch'ajjwañanacaru, nuwasiñanacaruraQUIW uscusipjjitajja. Janiw cuntejj munapcta ucija jicjjatapctati Diosat jan mayipjjatam laycu. 3 Mayipcta ucas janiw catokapctati jan wali mayipjjatam laycu. Jumanacan munañanacaman tucjañataquiqui mayipjjitajja. 4 ¡Jan Diosa chuyma jakenaca! ¿Janit jumanacajj yatiptcta acapachampi sumancañajj Diosampi jan walincañätapjja? Qhititejj aca pachampi sumancañ munqui ucajj Diosan uñisiripawa. 5 Ucatpí Diosan arupajj sejja: "Cuna ajaytí Diosajj jiwasan jacayqui ucajj wali munistu" sasa.

- 1 Pedro 1:14 Ist'asir wawanacjamajja, jan munañanacamarjam sarnakapjjamti, cunjämtí janïra Diosar uñ'tcasajj sarnakapcäyätajj uqhamija.
- 1 Pedro 2:11 Munat jilatanaca, sarir jakenacarjamaw achict'apjjsma, jan janchin munañanacaparjamajj jacapjjamti, uca janchin munañanacapasti almas

contraw nuwasiñ muni.

- 1 Pedro 4:2-4 Diosan munañaparjam take jacäwipana jaccjañapataqui, jan janchin munañaparjam jaysañataquejja. 3 Jumanacajj waljwa luranjjapjjitajja cunatejj Diosar jan uñt'ir jakenacarojj cusisiyqui ucija. Uca urunacanjjja jumanacajj vicionacana, jan wali amtañanacana, machañanacana, wali mank'añanacana, jila umjasíñanacana, yakha diosanacar yupaychañanacanwa sarnakasipçäytajja. 4 Uca jan Diosar uñt'ir jakenacatakejj mayjt'asiñäjjewa jumanacan jupanac chica uca k'añu luräwinacapan jan chicachasjjapjjatamajja, ucatwa jumanacatja jan walinaca parlapjeeja.
- 2 Pedro 1:4 Ucanac toketaracwa, arsüwinacapsa churistojja, uca arsüwinacapasti wali jach'anacawa, wali asquiraquiwa. Uqhamata jumanacajj uca Diosan arsüwinacap toke cunatejj Diosan utjqui uca catokapjjañamataqui, acapach k'añu yänacatsti jaltjjapjjañamaraqui.
- 2 Pedro 2:3 Kollker sinti chuyma churatäpjyatap laycoffa c'ari yatichäwinacampejj jumanacatja k'alwa take cunsa apsupjjätam, ucampis jupanacarojj t'unjatäñaquiw suyt'ije, nayratpacha juchañchatäpjaraquiwa.
- 2 Pedro 2:9-19 Uqhampi Tatitojj wawanacapar jan walinacat khespiyañ yatejja, uqhamarac jan wali jakenacar taripäwi urutac imañsa, mutuyatäpjjañapataqui. 10 Diosajj mutuyaniwa qhitinacatejj ñankha munañanacaparjamaqui sarasipqui ucanacarojja, Tatitun arunacaparus jan ist'apcaraquiti ucanacarusa. Ucanacasti wali munañani jan ist'asiri jakenacaraquiwa, janiraquiw alajjpacha ch'amanacarus jan wali arunacampi sañja aijssarapquiti. 11 Angelanacasti uca jakenacat sipansa juc'ampi ch'amanipccchi munañanipcaracchi ucasa, janiw janc'aquejj uca alajjpacha ch'amanacarojj jan wali arunacampi cunsa sapquiti Dios nayrakatanjja. 12 Ucampis uca jakenacajj animalanacjam jan amuyt'asiripjjewa, alekaquiraquiw jacasipqui catusin jiwayatäñataqui. Jan amuyt'asisaquiraquiw cuns parlapje, ucampis animalanacar uñtataquiraquiw jiwarapjjani, 13 wali t'akhesisa mayninacar t'akhesiyapjjatapata. Mä juc'a cusisisajja wali c'uchiñipcaspas uqhamwa amuyasipje. Mä p'enka jan waliraquiw jupanacan luratanacapajja. Jumanacampi chica ucanccasinji cusisipjjaraquiwa jan wali luratanacapampi. 14 Mä warmirus janiraquiw alekaqui uñtapquiti, janiraquiw jucha lurañatsa karjasipcaraquiti. Pisi amuyt'animacarusti jupanac chicaraquiw juchjj lurayapje, wali mich'äpjaraquiwa; ñankha jakenacäpjapuniwa. 15 Cheka thaquit sarakapjjatap laycuw chhaktat sarnakapje. Beoran yokapa, Balaam profetan luratanacaparuw arcapije, qhititejj jan walinac lurasa, kollke jicjjatañac muncänja ucaru. 16 Ucatsti uca luratapatija mä kachu asnomp tokenokataw jupajj uñjasina, uca asnosti juparojj jakjamaw parljayäna, uqhamataracwa lokhe cancañapjja jan luraycänti. 17 Uca jakenacajj mä jan umani phujur uñtatawa, thayan apnakata kenayanacar uñtatäpjaraquiwa; jupanacasti wiñayan wiñayapataquiw ch'iyara ch'amacancapjjani. 18 Jupanacasti jan wali arunacwa parlapje. Ucatsti vicionacapampi jan wali lurañanacapampejjja, uca jan walinacat jaltanirinacarojj wasitatwa uca jan walinacaru irpapje. 19

“Khespita sarnakasiñ churapjjäma” sapjjewa, ucampis jupanacpachaw juchan esclavopäsipqui, sapakat jakeraquiwa cuna juchampití atipjayasqui ucan esclavopajja.

2 Pedro 3:3 Nayrakatajj ac amuyt'asipjjam: Khepa urunacanjja Tatitun yänacapat phiscasiri jakenacaw sartapjjani, jan wali amtatanacaparjamaraquiw sarnakapjjani,

1 Juan 2:15-17 Jan acapachar munirüpjjamti, janirac acapachan yänacapsa.

Cawquüritejj acapachar munasqui ucanjja, janïraw Dios Awquitac munasiñapajj utjquiti. 16 Take cuntejj acapachajj churañatac uñacht'ayqui ucajja, janiw Dios Awquit jutquiti, jan ucasti acapachatwa juti. Janchin jan wali munañanacapa, cuntejj nayrajj uñquis ucansa munañanaca, jach'a jach'a tucuñanaca, take ucanacwa acapachajj churañ muni. 17 Acapachajj tucusiriquiwa jan wali luräwinacapampappacha, ucampis cawquüritejj Diosan munañap lurqui ucajj wiñayataquiw jaqui.

Judas 1:11 ¡Ay cunancapcaquini! Cainan thaquip arquirinacajja Kollke jicjjatañ laycuw maysar saranucupjje, Balaamjama. Coré chachjamaw amuyasipjje, qhititejj juchapat jiwayatäcäna uqhama.

Judas 1:15-19 takenir taripañataqui, uqhamarac take jan wali luririnacarus juchañchañataqui, uqhamarac take cunatejj ñankha arunac jupataqui arsupqui uca jan wali juch luririnacarusa.” 16 Ucanacajj quejasiri uqhamarac c'umirinacäpjewa jupanacan quicpa amtäwinacap phokhañac thakapjje. Jach'a jach'a tucusaw parlapjje, ucasti jakenacatjja sum parlapjje, uqhamat jupanacataqui asqui apsuñataqui. Iyawsirinacaru ewjj'tatapa 17 Ucampis munat jilatanaca, amtasipjjam jumanacajj nayratpach Tatit Jesucristosan apostolonacapajj sapcäyätam ucanaca. 18 Jupanacasti sapjjäyätamwa: “Khepa urunacajja, Diosat larusir jakenacaw utjani, ucanacasti jupanacan jan wali amtäwinacaparjamaw jacapjjani” sasa. 19 Acanacaw jalitañar puriyirinacajja: janchin munañanacaparjamaquiw sarnakapjje, jan Diosan Ajayupani.

Apocalipsis 18:14 Uca marcarusti sapjjaraquiniwa: “¡Janiraquis suma mojjsa achunacamajj utjcjtamtnejä. Uca achunacjj waljjay jumajj muniristajja! ¡Wiñayataquiraquiw apt'asjjitajja take suma cancañama uqhamarac kamir cancañamsa!” sasa.